



Газет 2001-йисан
ноябрдилай акъатзава

Эренлардин СЕС

РД - дин Докъузпара райондин общественно-политический газет.
Общественно-политическая газета Докъузпаринского района РД.

№3 (829) 17-Январь, арбе, 2018-йис. Газетдин са экз. къмет киоскрай - 10 манат.

Нубатдин совещание



15-январдиз Докъузпара райондин заседанийрин залда нубатдин совещание кыле фена. Адан къвалахда райондин идарайринни тешкилатрин жавабдар къуллугъчийри, хуьрерин администрацийрин кылеры ва масабуру иштиракна.

Совещание «Докъузпара район» МР-дин кыл Абдурагъим Алискерова ачухна. Совещанидин къвалах алай йисан 18-мартдиз кыле фидай РФ-дин Президентдин сечкийриз гъазурвилер ақунин месэла веревирд авунилай эгечна. Райондин ТИК-дин председатель Жалал Жалалова къейд авурвал, и

месэладин гъакъиндай тухвана къани къвалах пландин бинедаллаз кылиз акъудзава. Сечкийрин вахтунда УИК-ар (участковая избирательная комиссия) компьютеррин техникадалди таъминарунин месэладай райондин информациядин отделдин начальник Акиф Балакишиева ихтилатна. Малумарайвал, герек тир тадаракар гъазурнава ва абур и гъафтедин къене вири УИК-ра кардик кутада.

Райондин экономикадин отделдин начальник Султанмурад Магъмудов налогар къватлунин ва чилер, къвалер актуализация авунин месэладайкай рахана.

Совещанидал райондин кыл Абдурагъим Алискерова къейд авурвал, Миграгърин медениятдин къвал шийи хъувун - республикадин вилик тухунин программадик кутунва. И месэладихъ галаз алакьалу яз, Абдурагъим Алискерова райондин ОКС-дин руководитель Али Къарибовал ва райондин культурадин управленидин начальник Беглер Бабаевал, Миграгъ хуьруьн администрациядин кыл Теймур Бабаевахъ галаз санал, талукъ тир документар гъазурун ва авай гьалариз чкадал килигун тапшурмишна.

Райондин кыли, РФ-дин 2017-йисан 7-октябрдин 1235-нумрадин къарардал асаслу яз, вири мектебра къежелай видеогъузчивал тухудай камераяр кардик кутунин жигъетдай проектар арадал гъунин тапшургут гана.

Жуьреба-жуьре месэлаяр гъялуналди, нубатдин совещанидин къвалах акъалтна.

13-январь - Россиядин басмадин югъ

Милли басмадин къуллугъда

1505-1533-йисара урусатдин пачагъ хъйи III - Василий Ивановича лагъана: «Печатдин идарайрин куьмек галачиз халкъдин са карни вилик фидач».

Редакция, им басмадин сад лагъай хел я. Адан куьмекдалди, чна жемятдиз дуьньяда жезвай гьерекарарикай, вакъиарикай, делилрикай хабар гузва. 2001-йисалай чи газетди «къвед лагъай нефес» къачуз башламишна ва адан сад лагъай нумра “Эренлардин сес” тIвар алаз чапдай акъатна. Чи редакцияди кIватIзавай райондин хабарар чап авун патал Докъузпара райондин муниципалитетдин икърардин бинедаллаз Махачкъала шегъердин “Лезги газетдин” типографиядихъ галаз 7 йисуз алакъяар хвена. Докъузпара райондин муниципальный тешикаталдин къил К.С. Абасован куьмекдалди 2009- йисуз “ЭС”-газетдин редакцияда типография (чапхана) ачухна. Сифте газет, чи типографиядин чапдай 1- январдин хемис юкъуз акъатна. Газет гъазурун патал газетдин хуси корреспондентри еке зегъметар чIугъазва. Абуру кIватIай хабаррин материалар секретарь- машинистди компьютердиз къачузва. Са тираждин материалар кIватI хъйила, абур къилин редакторди гекъигунарна, ахпа жавабдар секретардал ракъурзава. Жавабдар секретардин къилин везифа газетдал гуьзчивал авуна, сифте адан кIалуб



туькIуьрун, ахпа верстка авун я. Вири гъазур хъйила, газетдин чинар туькIуьрна материалар компьютердиз мад сеферда къачузва. Ахпа абур ризографдин (газет чапдай машин) куьмекдалди чапдай акъуддиз башламишзава. И чапдин машинди са декъикъада 100 (экз.) газет акъудзава.

Газет –обществодин таблигъатчи, агитатор ва коллективдин тешкилатчи тирди, гъар са касдиз чир хъана кIанда. Къенин юкъуз чи дагъви милетрин вилик акъвазнавай къилин месэларикай сад, законсуз крарин аксина акъвазун я. Газетдин чинрал халкъдик къалабулук кутазвай месэляр винел акъудун, зегъметчи

инсанрин руьгъ хкажун, яшайишдин гъалар вилик тухунин карда иштиракчивал авун чи газетдин вилик акъвазнавай къетIенвилерикай сад я. Къейд авун лазим я хъи, гъялиз тахъанвай месэларни гзаф ава. Газетдиз гузвай бязи макъалайри гъелелиг кIелзавайдан руьгъ бес къадарда хкажзавач. Критикадин, законсуз ва маса хци месэлайриз талукъ тир макъалаяр лап тIимил жезва. И д а р а й р и н регъберар,пешекарар газетдин чинрай тIимил рахазва. Газетдин чиниз райондин агъалияр, жегъилар ва са бязи идарайрин пешекарар, руководителар тIимил экъечIунин себебди, тIал алай месэляр къарагъарунин ва абур гъялуни рекъай чаз мумкинвилер тIимил гузва. Са бязи нукъсанар арадай акъудун патал за агъалийривай ийизвай тIалабун:- Гъар са касди вич расалмиш жезвай нагъакъан крарикай чи редакциядиз хабар гун я. Гъа ихътин алакъя чи газетдинни ва халкъдин арада хъайитIа, чавай авай хци месэляр къарагъарна, абур халкъдин арада раиж ийиз жеда.

13- январдин суварин югъ за басмадин вири пешекарриз, чи редакциядин коллективдиз рикIин сидкъидай мубаракзава. Къуй куь зегъметдин ериди райондин агъалийрин яшайиш ва дуланажагъ хъсан хъунин синериз ва хилериз къуллугърай!

Эдуард ГЪАЖИБЕКОВ

СПОРТ

Чемпионвилин чIул къазанмишна

7-январдиз Дербентда грепплингдай къиле феи Дагъустандин чемпионатда Докъузпара райондин Миграгъ-

Къазмайрин хуьрай тир спортсмен Юсуф Гъажибалаева чемпионвилин чIул къачуна. Малум тир делилралди, и акъажунра 200-далай


гзаф спортсменри иштиракна. 1997-йисуз дидедиз хъайи



Юсуф гъвечли чвалай спортдал машгъл жез эгечна. 2013-йисуз ам Махачкъалада кардик квай финанринни экономикадин колледжик эгечна. Алай вахтунда ада ДГТУ-дин нефтегазовый факультетдин 2-курсуна клелзава.

И алакьунар авай спортсмендикай чна газетда сифте яз кхъизватлани, греплингдай, какахъай текба-тек женгерай жуьреба-жуьре акъажунра къазанмишнавай грамотаяр, медалар ва маса савкъатар адан агалкъунрин «чантада» гзаф ава.

Юсуф Гъажибалаева 2015-йисуз Италияда греплингдай кыле фейи дуйньядин чемпионатда 70 килограммдин заланвал авайбурун арада дуйньядин



чемпионвилин твар, ва гъа йисуз Анапа шегьерда какахъай женгерай (ММА) кыле фейи акъажунра

дуйньядин кубок, 2016-йисуз Бакуда 70 килограммдин заланвал авай пешекар-спортсменрин арада какахъай женгерай Евразиядин чемпионвилин твар къазанмишна.

Алай вахтунда ада Махачкъалада кардик квай «Горец» спортклубда тренер Олег Мегьамедован гъилик вердишвилер къачузва.

Спортдин мярекатра иштиракунин куьмекар алаз гъа сифте камарилай гатлунна вичин буба Мегьедин Гъажибалаева гузва. Юсуф алай вахтунда спортдин устад я. Чаз ам агалкъунрин гуарин лап вини кларариз акъатна кланзава.

Куругъли ФЕРЗАЛИЕВ

ИНТЕРВЬЮ

Мад сеферда МФЦ-дин къуллугърикай

Докъузпара района МФЦ-дин идара кардик кваз са шумуд йис я. МФЦ-ди эхиримжи йисара райондин агъалийриз государстводин ва муниципальный жуьреба-жуьре къуллугъар ийизва. Сифтедай райондин агъалийриз МФЦ-дикай, ада ийизвай къуллугърикай са акъван хабар авачиртлани, алай вахтунда саки вирибуруз и идара таниш я.

И йикъара «ЭС» газетдин корреспондент К.Ферзалиеван бязи суалриз Докъузпара райондин МФЦ-дин директор Руслан Рагъибович ИСМАИЛОВА жавабар гана.

- Руслан Рагъибович, алай вахтунда госкъуллугърин сайтда агъалияр регистрация авун герекъяз гъисабзава. И месэладин важиблубликай вучлугъуз жеда?

-Къенин девирда госкъуллугърин сайтда регистрация хъун гъар са агъали патал важиблукар я. Интернетни саки гзафбурухъ ава. Регистрация хъанвай агъалидивай вичиз кланзавай къуллугъ, санизни тефена,


ацукънавай квалекъачуз жеда. Квалаяй экъечитавуна къуллугъар къачуз кланзавай ксарив чна кылди чпиз талукъ тир пароль ва логин вахкузва ва абурувай «Кылдин кабинетдай» жуьреба-жуьре къуллугъар къачуз жеда.

Райондин агъалийрикай 70 процентдиладини гзафбур алай вахтунда госкъуллугърин сайтда регистрация авунва.

- Агъалийриз жуьреба-жуьре къуллугъар авунин кар гужлукъезвани?

- Къуллугъар авун къвердавай гзаф жезва. Лагъайтла жеда, алай вахтунда МФЦ-дихъ галаз алакьалу тахъанвай агъалияр тек-бир ава.

- Алатай (2017) йисуз



гъикъван къуллугъар авуна?

- Алатай йисуз, вири санлай къачурла, 9586 къуллугъ кылииз акъудун патал къабулна, абурукай 9238 къуллугъ тамамарна, амайбур, арзаяр йисан эхирда къабулнавайбур



хьуниз килигна ва кьуллугьар чеб са йикъан къене кьилиз акъудиз тежербур тирвилай, кьилиз акъудун давам жезва. Талуку тир кьуллугьар кьилиз акъуд тавуна тазвай дуьшуьшар жезвайди туш.

- Районгълийри гзафни-гзаф гьихьтин кьуллугьар тлалабзава?

- Гзафни-гзаф ийизвай кьуллугьарик паспортдин столдин, пенсийрин фондуни, УСЗН-дин идарадин, квалериз, чилериз «зеленка» туькьурунин кьуллугьар акатзава.

- Цийи йисуз гьихьтин

цийивилер, дегишвилер гуьзлемшзава?

- Госпошлинаяр гьа авайвал амукузава. Кьуллугьарин жигьетдай лагъайтла, цинин йисуз Минсельхоздин 17 кьуллугьни алава хьанва. Кьуллугьарин жигьетдай маса дегишвилерни цийивилер авач.

- Райондин агъалийриз лугьуз клани гафар, гудай малуматар авани?

- Кьуллугьар герекзавай гьар са арзачи, документарни гваз, вич агун лазим я МФЦ-диз. Паспорт дегишунин кьуллугь герекзавайла,

паспортдихь метриканни (дидедиз хьайивилин гьакъиндай тир шагдаатнама) хьана кланда. Ахьтин дуьшуьшар жезва хьи, метрикада Ахцегь район кьалурнаваз, паспортда Докъузпара район кьалурзава. Район какадарнавай, яни паспортда гьалатла авай дуьшуьшра метрикадални асаслу хьун герек я, акси дуьшуьшда, паспортда авай гьалатла цийи паспортдизни «куьч» хьжеда ва гележегда чьтин жеда. Гьавилай чна дидедиз хьайивилин гьакъиндай тир шагдаатнамадал (свидетельство о рождении) асаслу хьун хьсан яз гьисабзава.

АНТИТЕРРОР

Жуьгьенрик цукI кума...

Россиядин ВКС-ди (гьавадинни космосдин кьуватри) авиациядин куьмек галаз къве йисан вахтунда Сирияда жаллатИрин дестейрихь галаз женг тухвана. Декабрдин вацра и дяведин операция куьтягь хьанай. ЖаллатИрин винел гьалибвал къачуна. Сириядин гьукуматдин кьушунри Россиядин военныйрин куьмек галаз галаз уьлкведин сергьятар террористрикай азаднава. Тарихдиз хьфенвай йисуз Алеппо вахчуна, Пальмира азад хьувуна, Акербат тIвар алай боевикрин ири командный пункт кьуна. Дейр-эз-Зор шегьердиз гьахьдай мумкинвал яратмишна. Дяведин лепе гьеле элекънавач, америкадин стратегри террористрин роль, тамамарзавай беспилотникар ва шак гьидай дяведин цийи техникадин тадаракар ишлемишзава.

Пальмира

Алеппо-Туьркиядихь галаз авай сергьятрин рагъэкьечIдай патахь галай чIехи шегьер я. Боевикри адал гьеле 2012-йисуз гьужумна. Идан нетижада гьа йисан эхирдалди тIвар кьунвай шегьердин са пай террористрин гуьзчивилик квай. Яргъалди давам жезвай

дяведиз, авай гьалариз кьимет гайила, 2015-йисан зулун вахтундалди дегиш хьайи затI авач. Ахпа Россиядин ВКС-ди боевикрин объектрал гьужум авурла, Сириядин гьукуматдин армиядивай Квайрес аэродромдал гьужум ийиз алакьна. 2016-йисан гагуз Сириядин армияди Алеппо шегьер азад авунин рекъай гегьенш операция кьиле тухвана. 2016-йисан октябрдиз Россияди а чкадин агъалийриз мергьяматлувилин коридорар тешкилна. Им а шегьердай экьечIдай мумкинвилер яратмишдай, кьутармиш авунин рехь тир. Амма жалатIри абуруз экьечIдай рекьер тагуз, тахсир квачир ислягь инсанар ягъиз-рекъизвай. Дяве тухузвай терефар баршигъ хьувунин рекъай кардик квай Россиядин Центрдиз кьуллугьчийри чкадин агъалияр йифериз Алепподай акъудзавай. 2016-йисан 16-декабрдиз Россиядин Генштабди Алеппо шегьер михьиз азаднавайдакай хабар гана. Гьа икI, дяведин чуьруьк ислягь рекьел гьиз хкиз хьана. Россиядин Президент В.Путина алай дуьньяда кьиле фейи и гегьенш операциядиз «Виридуьньядин мергьяматлувилин акция» лагъай кьимет гана. И операцияда, гьукуматдин Кьили хабар гана, Россияди Сирияда хьунин вахт акьалтIарзава. Кьилди

къачуртIа, алукунавай йисан 6-январдила авиация тухузвай крейсер «Адмирал Кузнецов» (ам 2016-йисан октябрдила Сириядин кьерехрив гвай,- автордин къейд) ва ам рекье твазвай гимияр Североморскдиз эхкьечIна. Ада Сириядин кьерехрив гвай вахтунда, адан палубадал алай МИГ-29К/КУБ ва СУ-33 истребителри 400 сеферда цавуз лув гана ва абуру террористрин 1300 лишан тергна. Кьилин кьуватар Алеппода хьуниз килигна, Сириядин дявекарривай акси гьужумдиз фена Пальмира хуьз хьанач. «Сириядин кьумлухдин жавагьир» -Пальмира хуьн патал ягьунар давам жезвай. Кьилин ягьунар 2017-йисан 1-мартдиз эгечIнай. 2-мартдиз лагъайтIа, Сириядин армиядин аскеррилай Хезболлах- шиитрин партиядин кьегьалрин куьмек галаз шегьердиз гьахьиз алакьна. Гьа и юкьуз РФ-дин оборонадин министр, армиядин генерал Сергей Шайгуди Пальмира вахчунавайдакай ва операция акьалтIарнавайдакай РФ-дин Президент В.В.Путин хабардарна. Дейр-эз-Зор террористрин гьалкъада ама...



Дейр-эз-Зор

Дейр-эз-Зор шегьердиз гьахьдай операция башламишдалди, Сириядин армиядин аскерри Хама-Акербат тIвар алай террористрин командный Центр ва улакьрин узел (гьалкьа) рагьакIидай патахьай кьуна кIанзавай. Боевикри ам мягькем, чеб хуьдай райондиз элкьуьрнавай. Ана 100-800 метрдин яргивал авай чилин кIаник квай тоннелар эгьуьннавай. Акербат вич элкьуьрна хуьдай оборонадиз элкьуьрнавай. Ана бункерар, кIеви чкаяр бул авай. А жалатIрихь террористар, ажал хиве авайбур (смертникар), чIул юкьвавай шагьидар, 4-5 «джихадмобилар» галай. Гьужумдин операцияда Россиядин ВКС-ди жаллатIриз 300 сеферда ягьунар кьуна. Шегьер вахчудайла, Сириядин гьукуматдин кьушунриз Дейр-эз-Зор шегьердиз рехь ачух хьана. А чка ИГИЛ-дин жалатIри кьунвай. Сириядин президент Башар Асадан тIалабуналди Россия террористрин аксина операция тухудай ягьунриз гьазур хьана. Чи дяведин транспортдин авиацияди гьалкьада

кьунвай шегьердиз мергьяматлувилин парар ичIирна. Абурни гьавадай парашютный кьайдада вегьизвай. ООН-дин паталайни Россияди куьмекар агакьарзавай. 5-сентябрдиз Дейр-эз-Зор генерал Хасан Сухелан регьбервилек кваз кьаз агакьна. Сириядин чилин кьуватар Россиядин ВКС-дин авиациядилай хуьз алакьна. Лув гудай «Калибрди», цин кIаникай фидай «Великий Новгород», «Колпино» луйтквейри, ракетаяр тухузвай ТУ-95 МС-ди, лув гудай ракетайри-Х-101-ди террористрин командайрин пуктар, саналди кIватIнавай техника дяведин суьрсетдин складар тергна. Алай вахтунда жаллатIар Дейр-эз-Зор шегьердивай 5-7 километрдин яргьаз, Ефрат вацIун кьерехриз чукурнава. ЯтIани жаллатIри минометрай инсанар яшамиш жезвай кварталриз гуьлле гузва. Ихьтин ягьунрин нетижада алатай йисан 23-сентябрдиз Россиядин военный меслятчийрин дестедин чIехиди, генерал-лейтенант Валерий Асапов телеф хьана. Кьве йисан дяведин террористрин аксина кьиле физвай операцияда телеф хьанвай

военныйрин арада ам 38 лагьай кас я. РФ-дин Миноборонадин инфографикада ва «Красная звезда» газетдин сайтда кьейдзавайвал, ИГИЛ-дин жаллатIривай Сириядин сергьятрин 87 процент вахчуз алакьнава. Алай вахтунда боевикри Евфрат вацIун дере гуьзчивилик кутунва. Эхирмижи са шумуд гьафтеда Россиядин ВКС-дин куьмек галаз Сириядин армияди Дейр-эз-Зорда кьетIен агалкьунар кьазанмишна. Алатай йисан 5-сентябрдиз Сириядин армиядин кьушунри пуд йисан цIун гьалкьа (блокада) алудна. Дейр-эз-Зордин рагьакIидай пата авай арабринни куьрдерин кIватIалри США-дихь галаз саналди, са коалиция яз Евфратдал алай шегьер Раккуда авай ИГИЛ-дин форпостунал гьужумна. Мукьвал вахтунда винидихь кьейднавай шегьер террористрин кIеретIрикай михьна. ИкI ятIани Сирияда гьеле дяведин жуйьгенрик цIукI кума. Дяведин тактика дегиш жезва. И карда америкадин стратегрин гьерекатар ислягьвилин рекьел кьезвач.

Вадим АГЪАМУРАДОВ

ЭКОНОМИКА

Зирзибилдин кьазанжи

2017- йисан 22- ноябрдиз чапнавай «Дагьустандин правда» газетда Раппани Абдуллаева кхьенвай «Доходы из отходов» макьала авай. Ам лап важиблу месэладиз талукь яз кхьенвайди хьуниз килигна, чна а макьала лезги чIалалди таржума авуна, «Эренлардин сес» газет кIелзавайбурун фикирдиз гьизва. 2018- йисан 1- январдилай кIеви коммунальный зирзибилар кIватIун ва абур кучудун чи республикада цIийи кьайдада кьиле тухуда. Тебиатдин рессурсрин ва абур

хуьнин Министерстводи хабар гузвайвал, Дагьустандин вири сергьятар 6 зулуниз (зонадиз) пайнава: Кьиблепатан, Дагьлук, Кефердин -1 ва 2- паяриз ва Центральный сад ва кьвед лагьай чкайриз. Гьар са зонадихь вичин оператор галкIурнава. Чавай и кар федеральный законодательстводи истемишзава. Виликдай зирзибил кIватIна кучудун муниципалитетрин хиве авайтIа, абурувай и кар кьилиз акьудиз жезвачир. Зирзибилар кIватIун Россияда кьетIен ва важиблу

месэладиз элкьвенва. И кардиз гьатта гьукуматдин Кьили дикьет гудай чкадал атана. Якьин я, зирзибилди санлай кьачурла, чи уьмуьр зегьерламишзава, гьавилий зирзибил гадардай хьуртIарин карта тукIурна. Стратегиядин рекьай вилик финин, кар алай проектар тукIуьрунин рекьай кьиле фейи Советдин заседаниедал РФ-дин Президентди кьанунсуз зирзибил гадарзавай хьуртIарикай малумат ганай.

Дагьустан и месэлада – хкатун туш

Зирзибил кIватIунин, ам сартировка авунин ва хийирдин хилек кутунин рекьай чи республикада махсус совещание

кьиле фена.- кьейдзава РД-дин Тебиат хуьнин рекьай кардик квай Министерстводин Управлениедин начальник Мурад Темирова. Чехи

пай дуьшуьшра Дагьустандин зирзибилар гадарзавай чкаяр



жугъунра туна агалнавач, я аниз гъахъдай ва экъечдай рекьер тайинарнавач. Шлагбаумар, азаррикай хуьнин рекъяй мягкемарнавай серенжемар къабулзавач. Гадарзавай зирзибил са пай гараллаз физва, са пай гъайванрин тИшерик акатзава. Куьчейра гъагнавай кицлерни ина хкатуи туш. Садакай масадак акатзавай азаррин рекъяй зирзибилдин хьуртлар еке хаталувал авай чешмеяр я. Аниз гадар тийизвай шейъ авач: геликбай гъайванрин жасадар, медицинадин ва биологиядин гьемшер (отходы) ва масабур. Цийи йисан къанунда лап векьи истемисунар эцигнава. Абуру, сифте нубатда, коммунальный гьемшерин операторриз талукьбур я. Сад ва къудлагъай классрин хаталувал авай зарзибилдин мулкара махсус полигонар ачухда. Къиблепатан ва дагълух зонайра къве конкурс тухванва. Абуру регионрин операторрихъ галаз икьрарар кутГунава. Вични зирзибил тергавунин ва кучудунин терефдай. Абуру кВалахдин нетижаяр ва эгечунар 2018-йисан 1- январдилай башламишда. Сад ва къведлагъай Кеферпатан зонайрин конкурсдай акъатайбурун сиягъ гъеле туькьурнавач. Гъар са зонада муниципалитетрин арада авай экологиядин зирзибилар гъязавай комплексар (МЭОК) арадалгъида. Вахтуналди РД-дин тГебиатдин

ресурсрин ва экологиядин везифаяр тамамарзавай министр Набиюла Карачаеван гафаралди, операторар хкъягдалди бахтабахтвал (риск) арадал татун паталди къачунвай кам я. Операторрин жавабдарвал екеди я. Эгер са операторди кВалах дуьз тешкил тавуртла, амай тешкилувилин кВалах къайдадикай хкатзава. Регионрин операторри зирзибил гадарзавай контейнеррин сергъят, кВалахдал желбнавай инсанрин къадар, герек тир техника тайинарна кВанзава. Ахпа адан сиягъ РД-дин тарифрин рекъяй къуллугъдин гуьзчивилик кутазава. Гъар са региондин оператордихъ галаз 15 йисан мулатда икьрар кутГунава. И вахтунин сергъятра карчийри талукъ проект вилик тухунин мураддалди са тайин къадардин пулар эцигда. Гъа са вахтунда зарзибилар тергдай полигонар эцигунин месълани вилик акъвазнава. Фикирда къунвайвал, ахътин сифте объект Кумторкалинский района, Махачкаладивай 20 километрдин яргъа арадал гъида. И кардал фикир желбзавайбурун арада рахунар къиле физва. Авай месэляяр гъялуни мураддалди хсуси инвесторрин такъатар желб авун важиблу я. Карчийрихъ галаз икьрар кутГуннава. Шегьердин округ «Каспийск», Махачкала, Избербаш шегьеррани и гъалар тестикъ я. Нетижаяда 200 агъзур кубометр

зирзибил тергдай мумкинвал ава. Им са йисан къулар! Шегьердин дережада авай поселок Красноармейскда чи республикада сифте яз автомобилрин ишлемишнавай чархар маса рекъелди хийирдиз гъидай завод ачухнава.

«Хийирлу агропромышленный комплекс» ва РД-дин «Хуьруьн майишат вилик тухун» программада (2014-2020-йисара) къалурнавайвал, хам-мал гъасилдай къадар, са майвайрал гъалтайла, 1,5 млн.тонндив агакънава, салан майвайрикай къилин чка келемди къазва. Помидоррихъни къетГенвал ава. Серкериз артух фикир гузвач. Ам хъуьтГуьн ва гатфарин шартлара экъечИзава. Са килограмм серкерин къимет 200-230 манатдай акъвазнава. Къизляр райондин 40 гектарда серкер цуник къил кутунва. Краснодар крайдин ем гъасилзавайбурулай чешне къуртла, чакъ лап хъсан нетижаяр жеда. Гъар йисуз, фикирда къазвайвал, чи республикада ишлемиш тийиз, амуькзавай чилерин къадар 30 агъзур гектардив агакънава. Ида алава къазанжияр, зегъметдин чкаяр арадал гъида. Налогар кВатГунин рекъяйни девлетлу кам жеда. Серкер цуник къил кутун еримлу кВалах жеда.

Шагьбала ШАГЬБАЛАЕВ

ГУ – ОПФР информирует

Информация о выплате единовременной суммы в 5 тысяч рублей дагестанским пенсионерам в январе 2018 года не соответствует действительности - официально заявляют в Пенсионном фонде Дагестана.

В последние дни в

социальных сетях вновь активно муссируется подобная информация, и даже указывается срок. Якобы до 20 января, то есть до конца этого месяца необходимо с соответствующим пакетом документов обратиться в территориальные подразделения ГУ – ОПФР по РД, и подать заявления

на получение 5 тысяч рублей в январе 2018 года.

На самом деле подобная акция проводилась в январе 2017 года, и все российские пенсионеры, в том числе и военные, получили от государства разовую единовременную выплату.

НИЧЕГО ПОДОБНОГО НА 2018 ГОД НЕ ПРЕДУСМОТРЕНО

Напомним, что в январе 2018 года произведена индексация страховых пенсий работающим пенсионерам на

3,7%. Повышение носит беззаявительный характер.

Поэтому в ведомстве призывают не поддаваться на

провокации и опираться только на официальную информацию.

ЖУВ ЯЗ АМУКЪ

Дегиш жезва михъиз дуьнья
 Ва инсаният,
 Ужуз хъанва ягъни гъая,
 Чур хъанва ният.
 Са кас амач ягъдай далу,
 Я вегъедай юкъ.
 На жуван руьгъ мийир къалу,
 Вун жув яз амукъ.

Итимри гаф гузва- хуьзмач,
 Хъанва хирде, шит .
 Дишегълийриз абур чизмач,
 Сабур хъанва къит.
 Гъим гъукумдар ятIа, я ам
 Угърини тапрукъ.
 Мийир вуна ви намус рам,
 Вун жув яз амукъ.

ЭкъечI рекъиз, алад гъуьлел,
 Хкаж хъухъ дагъдиз.
 Цав яз ама цав ви къилел,
 Кузва рагъ сагъдиз.
 Векъер, тарар, къушар галаз
 Къилдаказ ацукъ,
 Яхъ гъабурун жув са пай яз,
 Вун жув яз амукъ.

Тебиатдиз шакирвализ,
 Хуьх жуван таъсиб.
 Авайди туш шаирвилиз
 Къазанжи-мажиб.
 Вилик лацу чарни къелем
 Эцигна ацукъ,
 Яратмишна жуван алем,
 Вун жув яз амукъ.

И дуьньядин усалвилер
 Ахъаймир чарчел,
 Муьгъуьббатни къегъалвилер
 Ая мад эфзел.
 Хъухъ руьгъдин экв вине авай
 Уьмуьрдал ашукъ,
 Ваз вун хътин чешне ава,
 Вун жув яз амукъ.

Садазни вун тушиз лазим
 КъейитIа эгер,
 Лугъуз тахъуй: зи уьмуьр –им
 Тир чIана бигер.
 Тазиятдиз татайтIани
 Тухумни махлукъ,
 Вун руг хъана чкIайтIани,
 Вун жув яз амукъ.

Вун вуж ятIа амукъда чиз
 Неинки са ваз,-
 Рекъиз, чуьлдиз, тамуз, гъуьлуьз,
 Дагъдизни суваз,

Лацу чарчиз, цIараризни
 Тийидай кумукъ,
 Чир жеда вун цаваризни,
 Вун вун яз амукъ.

ГЪЕЙ, КУЪН...

Гъей, куън, дуьнья тIуьна-хъвана
 Тух тежербур, аваз хазна!
 Квез куън ксар хъиз авани?
 Квез куън гъушар хъиз авани?
 Куь кIвалахар, гъерекатар
 Дуьзгуьн крар хъиз яни квез?
 Инсанвилин берекатар
 Хуьдай банкар чиз яни квез?
 Гъикъван хъурай такъаз хабар:
 Бахтикъара гъи чан я?
 Ам зун я, зун- жанлу къабар,
 Зун инсан я, инсан я!

Вири гъамар, хажалатар
 Зи кIула пар ийидани?
 Керематар, аламатар
 Икъван самбар ийидани?
 Зун Аллагъ туш, я пачагъ туш,
 Я игит туш, я сиягъ туш,
 Я нацI туш зун, я туш буьтIруьк,
 Я къван туш зун, захъ ава рикI,
 Захъ руьгъ ава, намус ава,
 Руьгъдавайди иман я,
 Захъ мез ава, къве пIуз ава,
 Зун инсан я, инсан я!

Зун яшамаш хъун лазим я,
 Руьгъдив бегъер гун лазим я.
 Зав цегв, зав чIиж гекъиг жеда.
 Бес куьз бахт зи эксик жеда?
 Зи зегъметриз къимет амач,
 Ватандихъни къастар амач,
 Инсанвиллиз гъуьрмет амач,
 Угърашвиллиз дацIар амач.
 Куьн Аллагъни маса къачуз
 Гъазур я – заз аян я.
 Гъадани квез жеда лугъуз:
 «Зун инсан я, инсан я!»

КЪВЕДАН ЯЛГЪУЗВАЛ

- Уьмуьр физва... Чна адан къуьруьккар
 Къабулзава, къисмет –къадаар я лугъуз,
 Чи мураддин сув тирвалди къиригар
 ЭкъечIава, гъахътин вахтар я лугъуз.
 Зи азизди, чиг язма чи кIанивал,
 Ам чи накъан бахтни къенин инад я.
 Чаз гъар садаз хгузмайди чимивал
 Жуван ажал сифте хъунин мурад я.

УСЗН сообщает

С 1 января 2018 года произошло повышение ежемесячного пособия на ребенка до 16 (18) лет. Размер пособия составляет 150 руб.

Также сообщаем, что с 1 января 2018 года будет выплачиваться новая ежемесячная выплата в связи с рождением (усыновлением) первого ребенка. Право на получение ежемесячной выплаты возникает в случае, если ребенок рожден (усыновлен) начиная с 1 января 2018 года, является гражданином Российской Федерации и если размер среднедушевого дохода семьи не превышает 1,5-кратную величину прожиточного минимума трудоспособного населения, установленную в субъекте Российской Федерации. Ежемесячная выплата осуществляется в размере прожиточного минимума для детей, установленном в субъекте Российской Федерации за второй квартал года, предшествующего году обращения за назначением указанной выплаты до достижения ребенком возраста полутора лет. За получение ежемесячной выплаты необходимо обратиться в УСЗН в МО «Докузпаринский район».

Уважаемые читатели! К вашему сведению

Хотите зарегистрировать землю? В МФЦ сделают это точно и недорого.

Оформляя документы на земельный участок необходимо провести процедуру установления его границ - то есть межевание. Без него невозможны такие операции как покупка, продажа, передача недвижимости. И делать это нужно качественно. Ошибки и неточные координаты участка грозят проблемами, вплоть до судебных разбирательств.

Гарантия качества и точность до миллиметра.

Процедуру межевания можно провести, обратившись в любой из многофункциональных центров. Гарантия качества проведенных замеров обеспечена высокоточным геодезическим оборудованием. Оно позволяет определять координаты самых сложных и спорных объектов с точностью до миллиметра.

Стоимость межевых работ на сегодня составляет 3500. В районах республики действует акция - при одновременном обращении за межевым и техническим планом, стоимость услуг составляет всего 6000.

Уважаемые читатели!

Хотим напомнить вам что в нашем филиале вы можете получить справку о наличии или отсутствии судимости.

Справка о несудимости является документом, подтверждающим наличие или отсутствие у гражданина факта уголовного преследования. Справка о несудимости, прежде всего, необходима при устройстве

граждан на работу в госструктурах в качестве сотрудников правоохранительных органов: полицейских, судебных приставов, служащих органов юстиции и т.д. Для получения данной справки вы можете обратиться с паспортом в филиал «Мои документы» по Докузпаринскому району.

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:

Докъузпара райондин
администрация,
Дагъустан Республика

Учредитель:

Администрация Докузпаринского
района, Республика Дагестан

Кылин редактор:
Э.А.ГЪАЖИБЕКОВ

Жавабдар секретарь:
А.Э. ЭМИРСУЛТАНОВ

Хусси корреспондентар:
Ш.О. ШАГЪБАЛАЕВ
К.Н. ФЕРЗАЛИЕВ
В.С. АГЪАМУРАДОВ
З.Э. МЕДЖИДОВА

Корректор:
Ш. ШАГЪБАЛАЕВ

Верстка авурди:
А.Э. ЭМИРСУЛТАНОВ

Газетдин индексар:
Зур йисан кьимет - 226 манат.
Йисан кьимет - 452 манат.

Чандиз вахкай вахт: 14:00
Чапзавай вахт: 17:00

Тираж: 1200

Редакциядинни макъалайрин авторрин фикирар сад тахъун мумкин я. Макъалайрин делилрин дуъзвилини патахъай жваб авторри чии гуда. Макъалайрин рецензия гузвач ва абур элкъеена вахкузвач. Мадни, чпин макъалайра дегишвилер тунал, кылер дешиарунал рази тушир мухбиривай чна абур редакциядиз ракъур тавун тлалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докъузпара район, Усугъчай хуър,
тел.8 (8269) 22-345
e-mail:
gadzhibekov77@mail.ru
Наи сайт: www.erenlar.ru